

大清同治

申報

甲戌年五月

初二日

西曆六月十五日即禮拜一

第千一百六十二號

論東洋在臺灣構釁近略

臺灣一事而人初論之而無有不謂曰中國既曾經東洋宣稱謂生番不在我轄下其行不與我國有干也爾其自行懲辦亦無不可云故東洋此舉與師征非究無不合等云乃西人現在既開闢新督憲會東將之文書得悉前後委曲各情則其翻然改先見亦必然也琅瑤一帶之番社以其歲納稅銀二十兩而以此有琅瑤為中國屬地之確據而西人函述戰事謂云琅瑤寄居華民彼為不少者以此則更有可據矣臺灣自古設理番官兩員者以知生番離置繩法之外亦仍設治理之方而人一明此情惟慮而揆度之及復知我朝斷斷毋有輕准敵國兵履本屬之地或懲轄下之人也若果有其事則其立約而為之者亦政理之必然乃東洋既無片紙尺幅之文憑又於與師先後百端隱匿多方詭譎以行事者以是而明指其藉口之詐偽也東兵其現在屯營於我琅瑤之地背違萬國例法莫有甚於此也欺侮鄰國蔑視大朝未有過於此也今東洋既接總理衙門行書是否肯翻然改悔知所變計是兆民所屬耳以聞而戰和之事似與覆書相繫也夫戰事凶事也固謀國者所圖免也故東洋果然肯撤兵不復問以寢其學尚云可也乃屯兵係在我地既知之而又不肯撤兵此明明求釁於我國也戎端既啟誠岌岌乎殆哉吾則所欣然屬望者福建所調華兵往臺灣者豫前西人廣言執器皆後門裝彈之鎗也東兵於陸戰所恃者特恃其鎗之精練是已然則精練之鎗亦我國所具有東洋屯兵計有五千入我國調兵亦有四千若須多用亦可復行徵調也惟東洋之於此役所有恃無恐以肆其強橫者無他鎗耳鎗雖精練是也中國既於此艦關然未備則敵艦兩艘似亦果為一患然鐵甲船名雖可畏而其各船未必皆善盡善盡美也吾聞於西人曰夫東洋有此二艦也殊不可謂之美備船之駛海既屬笨滯且船身亦非所謂極堅固也又凡鐵甲船皆吃水較深輾轉每在海深之處設使我國之船駛海較捷置炮較遠或亦可不為其挾制耳鐵甲船甚難於駕用使東洋人一旦無所人贊助其勢亦必至於候事失機也然我國使於東洋相戰則以萬國之載例宣使各國召回其轄下之人無使有偏袒之行此例設與無政教之輩相與持戰而不包括之乃凡列於文雅自主之國遇有相戰者而此例則必行矣然以兩國勢事論之雖云如是其能卒不至於戰禍者殆亦間闕之幸耳